

雲霄廳志

壹

~~72131  
南卷 9~~

地310.91

135

21011-4

民國乙亥季夏重刊

雲霄廳志

甯化雷壽彭署





雲霄廳志序

志始於班固史中紀傳世家書表之一體也陳壽三國變史爲志古時左史記言右史記動史記也志亦記也作志之難與作史等才學識三長難言之矣春秋而後良史如遷已未免褒譏失實况下焉者乎然而集一朝之紀載考証千秋無論班馬歐陽紫陽涑水夔乎尙矣卽下逮覓米納金亦不必言言盡穢而數百年光華日月藉以長存假令當年并無此書今日更何從起古人而問之也一邑之志何獨不然度於嘉慶十九年八月抵雲霄任雲霄未建學亦無志因與諸紳耆商所以立之立學所以興文教也立志所以徵文獻也然而詳請建學公文往返三年尙未奉到 各憲由府議定章程

奏咨批示則創始之難矣况立志更有難焉者乎蕪才謏學案牘倥偬日不暇給卽不責以三長才學識而採訪參考非一日之功編輯纂修非一手之事一經設局延請名流椽筆則需人動以數十百計需費動

雲霄廳志序

以數千萬計需時動以三年五年計孰是說也雲霄廳志無告成之日也夫一鄉一里之近一家一族之微匹夫爲善猶有人焉樂道之子孫家乘以記載之行之久遠而雲霄以一廳之大五十七保一十三村竟無專志等之自卽無譏之列臣山漳水何寂寂乎度前任雲霄徵修廳志捐金四百有奇事未有就緒會二十年正月調署鷺門去卽以此事屬之山長本籍歲貢生吳君文林二十一年四月回任幸吳君志稿畧有就緒而度於回任四月後雲霄積案六百餘件亦已全數清釐通報

各憲公餘得暇相與叅訂其纂修爲吳山長文林採訪爲生員蔡

雲校讎爲生員唐煜吳璜吳夾方東旭王華國其司銀錢出納

者爲太學生游廷球皆不食局中俸者但召書手繕寫工匠開雕糜費五百餘金凡六閱月自六月望日至十一月念二日告成是書也學識未優公餘少暇經費無出不過就三縣志并府志抄撮成之續以近事偶爾補遺或謹加按俾雲霄事蹟可稽若必執三長以繩之則覆瓿之

譏知難免矣時

嘉慶二十一年歲次丙子冬十有一月

特授漳州府雲霄同知府事前著興化府汀州府廈防廳汀軍廳攝興  
糧廳事內閣中書協辦侍讀  
賜進士出身薛凝度謹序

雲霄廳志序

重刊雲霄廳志序

時代演進事理繁複結繩窮而書契作政教別而經史分典墳不可考書與春秋其史之權輿歟陳壽志三國志其史之變例歟天下之大一邑之積也邑之有志猶國之有史耳制度文物疆域動植間有不同彙載以傳事富文約則邑志尙矣語云損益可知又曰文獻足徵一邑之故網羅古今顧可忽乎壽彭客冬來長雲霄視事之初首以邑志爲詢雲霄在清爲廳治入民國後大府納邑紳方聖徵張其瀾方純青請始更爲縣邑志未輯僅前雲霄同知薛君凝度嘉慶間所修廳志二十卷又復剝蝕不完雲霄文獻或幾乎熄亦當事者之責也於是謀於羣紳僉謂不先理廳志則縣志何承卽舉耆紳方聖徵陳嘉臧先生搜訪缺殘讎校舊著先重印數百部庶此後臣山潭水之清奇將軍太史之勳業文章不難重見於今日輯修縣志永有所因裨益文化詎淺鮮哉壽彭謙陋抵雲七閱月奉行功令案牘勞形違言教養更闕道齊近以衰

雲霄廳志序

三

病侵尋退避賢路新志之編固尙有待不能與邦人君子從容商榷稽考雲霄故實使嘉慶迄今一邑之典章文物不顯於世是則有媿於薛君而無以慰闔邑父老子弟矣

中華民國二十四年六月雲霄縣縣長甯化雷壽彭謹序





重印雲霄廳志叙

以水為鑑可辨妍媸以史為鑑可知得失志即史也國有國之歷史縣有縣之歷史國無歷史無以鑑古今得失之林而謀建設聚訓生息之方唯縣亦然然則縣志之有關於地方豈不大哉我雲自民元改縣以來都人士亦咸知修葺縣志為急務卒以未得賢長官提挈之則斯舉遂因而中止是亦鄉薦紳之滋愧者矣 雷公縣長來權雲篆下車伊始輒殷殷以修葺縣志為建議徵謂修葺縣志必先翻印廳志以資考據因舊日梓行廳志年遠代湮剝蝕叢殘幾無完本若非詳加雠校重付棗梨如居室然基址不存新構匪易况雲霄自前清嘉慶三年成立撫民廳治迄民國元年改更縣治版圖之面積悉如舊志所載並無增損之差異則舊志之紀錄亦可作縣志觀 雷公然之爰會同闔邑人士釀金鏤版翻印廳志共四百部以公諸同好俾雲邑百年前之道里風俗治化舉凡是非沿革所係咸昭然於耳目間行見學校可取為教

雲霄廳志序

材政治可資為殷鑒異日縣志之修葺亦可藉此為藍本半其事而倍其功是則重印廳志非地方必要之盛舉乎

中華民國二十四年國曆六月十八日邑人前參議院議員方聖徵敬叙





徵脩雲霄廳志啓

敬維山川風土今古異宜郡邑版圖沿革殊制蒞斯土者苟非按其圖籍考其利弊之所存雖循良之吏無以爲治故郡邑而無志乘將亘古如遊長夜雲霄漳水之北古漳州也通閩粵之咽喉扼泉潮之形勝古稱要害唐總章年開屯於此以制諸蠻建立漳郡屬以懷恩漳浦二縣漳州之名實始此焉嗣後幾經沿革漳郡移建龍溪而雲霄或置海防或置驛傳代多更變歷宋元明以入於

本朝設立分縣轄歸浦邑隸屬漳州

今上御極之三年以雲霄背山臨海改建廳員以資彈壓十七年于茲矣割三縣之邊隅歸一廳之疆界六十保一十三村其疆域土田戶口則圖籍之所由憑也民風士習土宜則貞淫之所由判也其山有將軍大臣仙人玉女其川有漳江梁水諸海之湧其靈秀之所鍾則有文人學士名公巨卿孝子忠臣義夫節婦而又宦績之經臨甘棠之遺愛騷

雲霄廳志

啓

人遷客尋勝探幽登眺詠吟之蹟彙而輯焉于以周知生齒之登耗財用之繁殖賦役之輕重人物風會之盛衰以及天文星野災祥之異地利險要扼塞之防歷代政教文章之治上以驗

朝廷休養生息之隆下可爲閭閻風俗人心之勸勒成一書垂之久遠嗚呼此今日司牧者之責矣度奉

命分守是邦求吏治之維新索官常之掌故雲霄志乘未有成書僅散見於一府三縣之冊用是謁訪耆儒咨商纂輯剞脩志畧刻日鳩工權輿三縣之書摘要芟繁期可以信今而傳後囊括一廳之事旁參博採更期於慮密而志周訂其已往之規續以後來之事故老傳聞日知筆記名家手澤斷簡殘編得所取裁皆資載筆俾後之蒞斯土者按圖考籍興利除弊不致嘆於無所適從雖才識不逮殊自愧焉而文獻無徵庶幾免矣幸鑒厥誠共襄斯舉謹啓

嘉慶十九年十月

特授漳州府雲霄同知前內閣中書協辦侍讀  
賜進士出身薛凝度撰

雲霄廳志

啓

二



重印雲霄廳志募捐啓

考一邑山川文物之優異與夫理亂興替之由來鑑別古今瞭若指掌則邑志尙焉雲霄由廳治進爲縣治迄今廿餘稔邑志尙付闕如雖曩昔之廳志猶存間多散佚蝕剝現經拾遺補闕校讎葺事亟待付梓備爲異日纂修邑志之考鏡茲擬重印四百部約需工料各費五百元同人等愧獨力之難支賴

衆擎而易舉所冀

邦人士慨解義囊贊襄盛舉行見由廳志而修邑志俾梓鄉之文獻有徵數典不忘垂諸萬古是皆

諸君子之相與有成也

中華民國二十四年六月

雲霄廳志

啓

三

發起人

張承藻	方龍章
陳嘉臧	許桂芳
方聖徵	吳有容
雷壽彭	方志賢
張集	張受堯
吳碧梧	吳養廉
陳棻	張承芳

全啓



凡例

一志乘卽郡邑史書編摩匪易雲霄原未有志必從府志及浦和詔三縣志中掇拾補湊聯屬更難茲所紀載採漳州府并浦和詔三縣志錯綜彙纂分門別類俾仍詞事貫穿

一是書凡引用各志及他書者俱註明本某書其叅以鄙見附於各條之後者以謹按別之無敢掠美亦不敢自附古人

一志以紀事紀人事有相同而章程互異者必分載之以俟查考如紀三邑糧鹽輸納價賣各有重輕是也人有遷徙而祖籍可稽者必備列之以重本根如紀海澄許光亨漳浦蔡元鼎是也非此類也事則取其畫一人則不敢濫登間有據呈增入者仍註明有考無考以歸核實

一前志疆域星野山川分門然星野所以辨疆域山川所以限疆域是編以方域統之頭緒似較不繁

雲霄廳志 凡例

一學校經詳請設立尙未具題然雲霄係故郡縣學校之興由來已舊自郡治移建學校亦與郡治並移雲霄附三縣邊隅未能設學今既設立廳治現在議詳建學遺疏可考學額可稽是以仍列學校一門並載設廳以來各呈稿詳文俾原委分明來日可踵而行之詳而紀之

一土堡附載在疆域考土堡所由設原欲以防寇盜不麗於兵紀中殊失設險本意茲改與兵紀關隘並列

一祀典列於民風戶口土田物產後民神之主戶口殷土田治百物蕃昌而後有以致力於神故序次不復依前志

一武臣列傳原附載兵紀今以宦績概之實本清漳志新例並非逞臆改更

一人物浦和志原以縉紳韋布閭巷分列今仍之間有補傳亦各以類相麗惟壽民另載簡末則在重高年以彰人瑞

一列女前志所載者有添注無刪節蓋言慎也其補傳據呈採入者則舉其大而遺其細惟節烈不厭加詳焉兒女子一往之誠視死如歸起頑立懦於是焉在至未亡人則據目前而叙其孀守情形以及閱歷年所區區載筆愛憎所不敢任而蓋棺論定仍俟後人

一賦役兵紀最係民生就前志詳考分別而彙纂之不盡遵昔賢體例非敢自矜別裁祇欲使利弊瞭然于目

一民風物產悉照前志惟於與本屬有異同處畧加疏注不以依樣爲嫌亦恐有意翻新轉滋錯漏

一序論詩歌有關民風土俗者已備列藝文間有條陳利弊各因一事而發者附載於各門之末似屬節外生枝實期空言有補

一前志分門各有小序今亦不敢缺然前文多援據以徵博洽茲只提明載筆大意以爲緣起奄鄙固不免貽譏要未嘗拾人牙慧

薛凝度謹識

雲霄廳志目錄

第一卷

輿圖

方域

建置  
潮汐

疆界  
坊里

星野  
舖舍

形勝  
街市

山川  
虛場

第二卷

學校

義學附

第三卷

民風

第四卷

戶口

丁錢

丁役附

第五卷

土田

田賦

經費

漁鹽

驛并雜課附

第六卷

雲霄廳志

目錄

物產

第七卷

祀典

壇祀

廟祀

祠祀

第八卷

兵紀

第九卷

規制

城池  
水利

公署  
義塚

坊表  
監獄附

倉廩

橋梁

津渡

第十卷

秩官

唐

宋

元

明

國朝

第十一卷

宦績

武臣附

第十二卷

選舉上

唐

宋

元

明



第十三卷

選舉下 國朝

第十四卷

人物 縉紳 韋布 閩巷 壽民附

第十五卷

列女 節婦 節烈 貞節 未亡人 壽婦附

第十六卷

名蹟 城壘 宮廟 堂室 塔 亭臺 邱墓 巖洞 水石 泉井

第十七卷

藝文上 詔勅 奏議 序記 雜文

第十八卷

藝文下 古今體詩

第十九卷

雲霄廳志 目錄

災祥 寇亂附

第二十卷

紀遺

第二十一卷 重印時 增入

附錄民國元年廢廳改縣議案及呈批各件